

四庫全書薈要

• 乾隆御覽本

集部

欽定四庫全書薈要

集部

御定歷代賦彙外集卷一

御定歷代賦彙外集目錄

卷一 言志

慰志賦

漢崔篆

顯志賦

漢馮衍

敘志賦

魏韋誕

遂志賦

魏劉楨

晉陸機

勵志賦

魏丁儀

元徐幾



表志賦

晉袁掾

言志賦

梁元帝

述志賦

晉曹摅

隋蕭后

宋張九成

元胡天游

明劉基

明陶望齡

擬述志賦

明黃輝

復志賦

唐韓愈

元任士林

求志賦

宋晁補之

尚志賦

元吳萊

閔志賦

明黃淮

卷二

言志

幽通賦

漢班固

思玄賦

漢張衡

思游賦

晉摯虞

遂初賦

漢劉歆

述初賦

魏崔琰

唐梁肅

述身賦

北魏李諧

述先賦 晉陸機

祖德賦 晉陸機

申懷賦 晉傅咸

洗心賦 唐吳筠

卜居賦 宋蘇轍

惜交賦 宋范成大

申臆賦 明朱應登

廣初賦 明蔡羽

卷三

言志

豪士賦

晉陸機

士不遇賦

漢董仲舒

悲士不遇賦

漢司馬遷

感士不遇賦

晉陶潛

惜士不遇賦

明伍瑞隆

答陸倕知己賦

梁任昉

贈任昉知己賦

梁陸倕

感知己賦

唐李翱

士伸知己賦

宋蔡襄

懷知賦

宋張耒

酬德賦

齊謝朓

感節賦

魏曹植

感物賦

宋傅亮

感舊賦

唐太宗

唐岑參

擬感舊賦

明王寵

感遇賦

元涂幾

感宦籍賦

明湯顯祖

卷四

言志

玄覽賦

梁元帝

哀時命賦

漢嚴忌

哀千里賦

梁江淹

哀江南賦

周庾信

愍時賦

梁宣帝

抱關賦 宋王回

經丘賦 明石瑄

遂虛賦 明盧柟

卷五 言志

悼騷賦 陳梁叔敬

擬騷賦 宋李綱

反反騷賦 明徐禔卿

自悼賦 漢班婕妤

自釋賦 宋薛士隆

解崇賦 唐柳宗元

謫九年賦 唐劉禹錫

問大鈞賦 唐劉禹錫

三黜賦 宋王禹偁 宋李綱

謫居賦 宋張九成

釋謀賦 宋王安石

定觀賦 宋陳造

遣幽賦 宋張耒

幽想賦 元郝經

憂釋賦 元楊維禎

卷六 言志

明意賦 晉傅咸

釋懷賦 唐李翱

幽懷賦 唐李翱
元朱德潤

秋懷賦 宋劉攽

壯懷賦 明黃尊素

思還淳賦 唐吳筠

傷已賦 宋謝靈運 元馬祖常

閔已賦 唐韓愈 元任士林

閔生賦 唐柳宗元

閔獨賦 宋宋祁

擬閔獨賦 明葉良珮

閔貞賦 明楊守陞

居閑賦 明夏鍤

懲咎賦 唐柳宗元

省愆賦 宋唐庚

省咎賦 明李夢陽

離譖賦 明楊士奇

悼時賦 明王廷相

惜毀賦 明盧柟

內咎賦 明許應亨

左賦 明王廷陳

卷七 懷思

懷思賦 晉夏侯惇 晉王氏

幽思賦 魏曹植

愁思賦 魏曹植 魏繁欽

迷思賦 晉陸機

行思賦 晉陸機

遐思賦 晉鍾氏

遊思賦 宋鮑昭

征思賦 宋傅亮

離思賦 魏曹植 晉左九嬪 明魏學伊

別思賦 明何景明

後別思賦 明何景明

思親賦 晉陸機 明王禕

孝感賦 宋謝靈運

孝思賦 梁武帝

罔極賦

宋王禹偁

倚門望子賦

五代梁嵩

思舊賦

晉向秀

懷舊賦

晉潘岳

思賢賦

梁丘遲

懷賢賦

明郭棐

贈言賦

梁蕭綸

懷音賦

梁張纘

導游賦

元素摘

求友賦

元趙孟頫

思友賦

元涂幾

明夏邦謨

卷八

懷思

懷土賦

晉陸機

懷退賦

晉潘尼

思田賦

梁陸倕

望故園賦

唐杜牧

懷鄉賦

明丘濬

思歸賦

晉陸機

齊謝朓

宋王安石

宋王資深

明素衷

思北歸賦

梁江淹

懷歸賦

宋沈括

明徐禎卿

歸歟賦

宋楊萬里

歸去來賦

宋王十朋

宣歸賦

明李夢陽

述歸賦

明何景明

感離賦

魏文帝

感別賦

晉傅咸

明皇甫汈

歎別賦

梁劉潛

離別賦

梁張縉

別賦

梁江淹

明陳子龍

別知賦

唐韓愈

元虞集

別友賦

宋黃庭堅

元危素

惜別賦 宋陳藻

懷別賦 元吳師道

離人怨長夜賦 唐王禕

離居賦 元黃潛

卷九 行旅

北征賦 漢班彪

東征賦 漢曹大家 晉袁宏 唐高適

西征賦 晉潘岳

南征賦 梁張纘 宋張耒 宋唐庚 宋李綱

宋邢居實 明陸深

序征賦 魏徐幹

撰征賦 宋謝靈運

述征賦 明徐禔卿

小征賦 明皇甫孝

卷十 行旅

述行賦 漢蔡邕

敘行賦 晉張載

遊居賦 漢班彪

流寓賦 晉郭璞

述羈賦 梁簡文帝

愍塗賦 梁沈約

去故鄉賦 梁江淹

出門賦 唐歐陽詹

臨舟賦 晉應貞

滯舟賦

唐蕭穎士

歸途賦

宋謝靈運

阻歸賦

梁簡文帝

還林賦

梁丘遲

將歸賦

唐歐陽詹

辭行李賦

陳江總

送君南浦賦

唐黃滔

送將歸賦

宋蔡確

遠行送將歸賦 宋陳普

東還賦 唐李觀

南歸賦 明梁寅

傷遠行賦 唐白居易

近遊賦 晉束皙

續遠遊賦 宋李綱

遠遊賦 明袁袞

戎旅賦 明楊慎

適吳賦

漢梁鴻

秋夜七里灘聞漁歌賦

唐王棨

秋風吹汝水賦

宋范純仁

桂林中秋賦

宋范成大

渡瀘賦

明何景明

卷十一 曠達

大人賦

漢司馬相如

嘉遯賦

晉孫承

應嘉賦

晉陸機

逸民賦

晉陸雲

玄虛公子賦

梁簡文帝

逸人賦

唐吳筠

大隱賦

唐皇甫松

中隱賦

宋王炎

梅花主人賦

元陳櫟

歸田賦

漢張衡

晉張華

節遊賦 魏曹植 魏楊修

遊北山賦 唐王勣

閒遊賦 唐徐鉉

弟子清夜游賦 宋陳普

客游玄都賦 宋沈與求

大游賦 元吳萊

卷十二 曠達

閒居賦 魏曹植

閒居賦 晉潘岳 晉庾闡

山居賦 宋謝靈運

郊居賦 梁沈約

幽居賦 唐陸龜蒙

端居賦 宋种放

巖棲賦 唐吳筠

何卜賦 唐劉禹錫

卷十三 曠達

金
史
四
庫
全
書
目
録
玄暢賦 魏曹植

登真賦 唐吳筠

紀道德賦 五代杜光庭

空同賦 宋朱子

棲深賦 元劉詵

適忘賦 元馬祖常

雲卧八極賦 元吳師道

海闊天空賦 明黃儒炳

酒隱賦 宋蘇軾

松江蟹舍賦 宋高似孫

雲林賦 元素楠

閒艤賦 元陳樵

樵雲賦 元涂幾

耦耕賦 元涂幾

藥市賦 明楊慎

卷十四

美麗

高唐賦 周宋玉

神女賦 周宋玉 魏陳琳 魏王粲 魏楊修

晉張敏

水上神女賦 梁江淹

洛神賦 魏曹植

江妃賦 宋謝靈運二首 明俞安期

息夫人不言賦 唐白敏中

勾踐進西施賦 唐徐寅

長門賦

漢司馬相如

陳皇后因賦復寵賦

唐黃滔

李夫人賦

漢武帝

擬漢武帝李夫人賦

宋孝武帝

漢武帝重見李夫人賦

唐陳山甫

唐康僚

招李夫人魂賦

唐謝觀

李夫人賦

元陳樵

蔡伯喈女賦

魏丁廙

明皇迴駕經馬嵬賦 唐黃滔

卷十五 美麗

美人賦 漢司馬相如 唐呂向

麗人賦 梁沈約

麗色賦 梁江淹 唐富嘉謨

協和婚賦 漢蔡邕

感婚賦 魏曹植 晉張華

正情賦 魏應瑒

閑情賦

晉陶潛

坊情賦

宋薛士隆

愍志賦

魏曹植

靜思賦

魏曹植

清思賦

晉阮籍

止欲賦

魏阮瑀

魏陳琳

弭愁賦

魏繁欽

閑邪賦

魏王粲

永懷賦 晉張華

青衣賦 漢蔡邕

誚青衣賦 晉張子並

蕩婦秋思賦 梁元帝

倡婦自悲賦 梁江淹

蕩子賦 周庾信

蕩子從軍賦 唐駱賓王

樓東賦 唐江采蘋

嬌女賦 明唐寅

卷十六 諷喻

諷賦 周宋玉

大言賦 周宋玉

小言賦 周宋玉

小語賦 晉傅咸

應詔語賦 陳陳暄

擬大言賦 宋蘇易簡

惟皇誠德賦 唐謝偃

贊道賦 唐李百藥

登徒子好色賦 周宋玉

章華賦 漢邊讓

墨子迴車朝歌賦 唐王起

哀伯牙賦 宋張耒

子奇賦 宋程琳

日者賦 宋李綱

罔兩賦 唐李濟 唐石鎮 唐蔣至 唐包信

唐孫鑒

司命賦 明趙時春

萋茗賦 宋俞德鄰

捶錢賦 明葉憲祖

卷十七 情感

笑賦 晉孫楚

歡賦 明屠隆

恨賦 梁江淹

擬恨賦 唐李白 明李東陽

泣賦 梁江淹

別淚賦 明張明弼

離憂賦 宋梅堯臣

九愁賦 魏曹植

敘愁賦 魏曹植 梁簡文帝

愁賦 唐符載 明王世貞

坐愁賦 宋晁補之

四愁賦 明黃淮

江上愁心賦 贈趙侍郎 唐張說

謝燕公江上愁心賦 唐趙冬曦

江上愁心賦 宋李綱

卷十八 情感

望賦 唐劉禹錫

歸魂賦 梁沈炯

不寐賦

宋劉攽

夢賦

漢王延壽

唐杜頤

夢捧日賦

唐蔣防

莊周夢為胡蝶賦

唐賈餗

莊周夢胡蝶賦

唐張隨

夢舞鍾馗賦

唐周繇

夢歸賦

唐柳宗元

夢覲賦

宋晁補之

述夢賦 宋歐陽修 明胡儼

夢遊山賦 明楊爵

夢洲賦 明盧柟

卷十九 人事

娛賓賦 魏曹植

宴喜賦 隋薛道衡

志喜賦 宋陳造

貧家賦 晉束皙

貧賦 唐王榮

逐貧賦 漢揚雄

斥窮賦 宋俞德鄰

拙賦 宋周惇頤

鈍賦 明李夢陽

短人賦 漢蔡邕

醜女賦 明徐禎卿

出婦賦 魏文帝 魏曹植 魏王粲

妒婦賦 梁張縉 明陳子龍

寡婦賦 魏文帝 魏王粲 魏丁廙 晉潘岳

明何景明

哀節婦賦 唐李華

節婦賦 元胡炳文 元陳樵

靜姬賦 明王世貞

後靜姬賦 明王世貞

荀子耳賦 晉祖台之

舌賦 梁簡文帝

白髮賦 晉左思

陶母截髮賦 唐浩虛舟

影賦 唐謝偃

髑髏賦 漢張衡 晉呂安

卷二十 人事

靜壽賦 明朱應登

壽母賦 明何景明

壽成皋王賦 明盧柟

疾愈賦 晉摯虞

愈膏肓疾賦 唐柳宗元

問天醫賦 宋范成大

射病賦 明黃省曾

悼天賦 魏文帝

悼亡賦 晉潘岳

悼艱賦 晉孫氏

悼往賦 宋黃庭堅

傷天賦 魏王粲

傷魂賦 魏曹髦

傷逝賦 宋鮑昭

傷美人賦 梁沈約

傷友人賦 梁江淹

傷愛子賦 梁江淹

傷往賦 梁蕭子範 唐劉禹錫

傷心賦 周庾信

慰子賦 魏曹植

思友賦 魏王粲

愍思賦 晉陸機

歎逝賦 晉陸機

知己賦 梁江淹

憫孤賦 宋晁公邁

哀逝水賦 明許相卿

冢賦 漢張衡

古冢賦 明何景明

登北邙賦 晉張協

登邙賦 晉傅咸

感丘賦 晉陸機

大墓賦 晉陸機

逸句卷一 附

天象

迅風賦 漢趙壹

風賦 晉李充 晉王凝之

擬風賦 梁沈約 梁王融

相風賦 晉傅玄 晉傅咸

喜霽賦 魏文帝 魏曹植

時雨賦 晉成公綏

陰霖賦 晉成公綏

月賦 宋周祇

怨曉月賦

宋謝靈運

歲時

袞襖賦

漢杜篤

襖賦

晉褚爽

洛襖賦

晉成公綏

春可樂賦

晉王廙

大暑賦

魏陳琳

述夏賦

晉傅玄

秋思賦 魏繁欽

秋夕哀賦 晉夏侯湛

秋晴賦 宋袁淑

秋夜長賦 宋謝琨 宋蘇彥

秋懷賦 宋伏系之

悲秋夜賦 宋何瑾

七夕賦 周庾信

地理

西道賦

晉潘尼

巫咸山賦

晉郭璞

濟渚谷賦

晉胡濟

梁田賦

晉夏侯湛

嶺表賦

宋謝靈運

貞女峽賦

陳江總

望海賦

晉孫綽

涉江賦

晉曹毗

觀濤賦 晉曹毗

望濤賦 晉伏滔

長谿賦 宋謝靈運

悅曲池賦 宋謝莊

井賦 晉王彪之

冰賦 晉顧凱之

都邑

冀州賦 漢班彪

反都賦

漢崔駰

登樓賦

晉孫楚

平樂市賦

晉成伯陽

典禮

藉田賦

魏曹植

宋任豫

文學

賦體

梁武帝

梁任昉

梁王僧孺

梁陸倕

梁柳惔

武功

大將軍西征賦

漢崔駰

述征賦

魏文帝

征賦

魏應瑒

馬射賦

晉曹毗

武庫賦

晉潘尼

器用

屏風賦

漢羊勝

扇賦

漢張衡

梁昭明太子

團扇賦

漢蔡邕

圓扇賦

晉傅玄

狗脊扇賦

晉傅咸

羽扇賦

梁周興

燈賦

漢劉歆

釭燈賦

晉夏侯湛

蠟燈賦

晉范堅

百枝燈賦 晉孫惠

櫛賦 晉傅咸

鍼鏤賦 漢曹大家

音樂

琴賦 漢馬融 漢蔡邕 陳陸瑜

笙賦 陳顧野王

笛賦 陳傅綽

箏賦 晉顧凱之 晉傅玄

琵琶賦 晉傅玄

鼓吹賦 晉陸機

歌賦 晉袁山松

瞽師賦 漢蔡邕

玉帛

玉玦賦 魏文帝

飲食

酒賦 晉傅玄

惡餅賦 晉庾闡

巧藝

正都賦 晉傅玄

繳彈賦 晉夏侯湛

圍碁賦 陳宣帝

覽古

鄴臺賦 晉盧諶

逸句卷二 附

草木

胡栗賦

漢蔡邕

梧桐賦

晉傅咸

桐樹賦

宋劉義恭

慙桐賦

晉夏侯湛

槐賦

晉傅選

迷迭香賦

魏陳琳

芸香賦

晉成公綏

萍賦 晉杜育

薺賦 晉卞伯玉

冬蕉卷心賦 梁徐摛

浮萍賦 宋蘇彥

花果

朝華賦 晉盧湛

芍藥花賦 宋王徽

芙蓉賦 晉潘尼 梁昭明太子

芙蓉賦 吳蘇彥英

蓮花賦 晉孫楚 晉潘岳

菊花賦 魏鍾會 晉傅玄 晉盧諶

木槿賦 晉羊徽

秋杜賦 晉孫楚

安石榴賦 晉應貞 晉范堅 晉庾儵 宋顏測

蒲桃賦 晉荀勗

黃甘賦 晉胡濟

橘賦 宋謝惠連

枇杷賦 宋謝瞻 宋周祇

桑椹賦 晉傅玄

瓜賦 晉夏侯湛

鳥獸

鵬賦 晉賈彪

白鶴賦 魏王粲

鶴賦 宋劉道規

孔雀賦

晉左九嬪

鸚鵡賦

魏應瑒

魏阮瑤

魏陳琳

晉左九嬪

晉曹毗

晉傅玄

晉盧湛

梁昭明太子

鴻鴈賦

晉成公綏

野鷺賦

宋王徽

鷹賦

晉傅玄

鶯賦

晉鍾氏

白鷺賦

宋謝惠連

翟雉賦 晉王叔之

長鳴雞賦 晉陸善

山雞賦 宋劉道規

乘輿馬賦 晉傅玄

良馬賦 晉傅玄

馳射馬賦 晉傅玄

果然賦 魏鍾毓

鷹兔賦 晉傅玄

鱗蟲

蟬賦

漢曹大家

漢蔡邕

晉明帝

晉孫楚

晉溫嶠

寒蟬賦

宋顏延之

蟋蟀賦

晉盧諶

言志

感物賦

魏文帝

潛志賦

魏曹植

感遇賦 晉盧諶

懷思

永思賦 魏文帝

離居賦 魏文帝

懷親賦 魏曹植

釋思賦 魏曹植

歸思賦 魏曹植

行旅

初征賦

魏王粲

述歸賦

晉江道

秋羈賦

宋沈勃

曠達

遊觀賦

魏曹植

臨觀賦

魏曹植

辭祿賦

宋謝靈運

逸民賦

宋謝靈運

幽人賦 晉陸機

清慮賦 魏劉楨

美麗

定情賦 漢張衡

協初賦 漢蔡邕

檢逸賦 漢蔡邕

諷喻

戒盈賦 魏文帝

人事

延賓賦 晉成公綏

別賦 晉陸機

御定歷代賦彙外集目錄

御定歷代賦彙外集卷一

言志

慰志賦

漢
崔篆

嘉昔人之邁辰兮美伊傳之選時應規矩之倣質兮過
班倅而裁之協準獲之貞度兮同斷金之玄策何天道
於盛世兮超千載而垂績豈修德之極致兮將天祚之
悠適愍予生之不造兮丁漢氏之中微氛霓鬱以橫厲

兮義和忽以潛暉六柄制於家門兮王綱摧以陵遲黎
共奮以跋扈兮羿浞狂以恣睢睹慢藏而乘釁兮竊神
器之萬機思輔弼以媮存兮亦號咷以訓咨嗟三事之
我負兮乃迫予以天威豈無熊僚之微介兮悼我生之
殲夷庶明詰之末風兮懼大雅之所譏遂翕異以委命
兮受符守乎民維恨遭閉而不隱兮違石門之高蹤揚
蛾眉於復關兮犯孔戒之治容懿氓蚩之悟悔兮慕白
駒之所從乃稱疾而屢復兮歷三祀而見許悠輕舉以

遠遁兮託峻危以幽處靜潛思於至轔兮騁六經之奧
府皇再命而紹卹兮乃眷顧乎建武運機槍以電埽兮
清六合之土寓聖德滂以橫被兮黎庶愷以鼓舞闢四
門以博采兮彼幽牧之我舉兮畫定而計決兮豈云責
乎彼鄙苟遂懸車以繫馬兮絕時俗之進取歎暮春之
成服兮闔衡門以埽軌聊優游以永日兮守性命以盡
齒貴啟體之歸全兮庶不忝乎先子

顯志賦

有序

漢馮衍

馮子以大人之德不碌碌如玉硤硤如石風興雲蒸一
龍一蛇合道翱翔與時變化夫豈守一節哉上隴阪騰
高岡遊精宇宙流目八紘眇然有思凌雲之意乃作賦
自廣命篇曰顯志云

開歲發春兮百卉含英甲子之朝兮汨吾西征發軔新
豐兮徘徊鎬京陵飛廉而太息兮登平陽而懷傷悲時
俗之險阨兮哀好惡之無常棄衡石而意量兮隨風波
而飛揚紛綸流於權利兮親雷同而妒異獨耿介而慕

古今豈時人之所憚沮先聖之成論兮邈名賢之高風
忽道德之珍麗兮務富貴之樂耽遵大路而徘徊兮履
孔德之窈冥固衆夫之所眩兮孰能觀於無形行勁直
以離尤兮羌前人之所有內自省而不慙兮遂定志而
弗改欣吾黨之唐虞兮慙吾生之愁勤聊發憤而揚情
兮將以蕩夫憂心往者不可攀援兮來者不可與期病
沒世之不稱兮願橫逝而無由陟雍時而消搖兮超略
陽而不反念人生之不再兮悲六親之日遠陟九峻而

臨菱薛兮聽涇渭之波聲顧鴻門而歔歔兮哀吾孤之
早零何天命之不純兮信吾罪之所生傷誠善之無辜
兮齋此恨而入冥嗟吾思之不遠兮豈敗事之可悔雖
九死而不瞑兮恐余殃之有再淚沈瀾而雨集兮氣滂
渟而雲披心怫鬱而紆結兮意沈抑而內悲瞰太行之
嵯峨兮觀壺口之崢嶸悼丘墓之蕪穢兮恨昭穆之不
榮歲忽忽而日邁兮壽冉冉其不與恥功業之無成兮
赴原野而窮處昔伊尹之干湯兮七十說而乃信皋陶

釣於雷澤兮賴虞舜而後親無二士之遭遇兮抱忠貞
而莫達率妻子而耕耘兮委厥美而不伐韓盧抑而不
縱兮騏驥絆而不試獨慷慨而遠覽兮非庸庸之所識
卑衛賜之阜貨兮高顏回之所慕重祖考之洪烈兮故
收功於此路循四時之代謝兮分五土之刑德相林麓
之所產兮嘗水泉之所殖修神農之本業兮採軒轅之
奇策追周棄之遺教兮軼范蠡之絕迹陟隴山以踰望
兮眇然覽於八荒風波飄其並興兮情惆悵而增傷覽

河華之決漭兮望秦晉之故國憤馮亭之不遂兮愠去
疾之遭惑流山岳而周覽兮徇碣石與洞庭浮江河而
入海兮汴淮濟而上征瞻燕齊之舊居兮歷宋楚之名
都哀羣后之不祀兮痛列國之為墟馳中夏而升降兮
路紆軫而多艱講聖哲之通論兮心惛憶而紛紜惟天
路之同軌兮或帝王之異政堯舜煥其蕩蕩兮禹承平
而革命并日夜而幽思兮終慘憺而洞疑高陽邈其超
遠兮世孰可與論茲訊夏啟於甘澤兮傷帝典之始傾

頌成康之載德兮詠南風之歌聲思唐虞之晏晏兮揖
稷契與為朋苗裔紛其條暢兮至湯武而勃興昔三后
之純粹兮每季世而窮禍弔夏桀於南巢兮哭殷紂於
牧野詔伊尹於亳郊兮享呂望於鄴州功與日月齊光
兮名與三王爭流楊朱號乎衢路兮墨子泣乎白絲知
漸染之易性兮怨造作之弗思美關雎之識微兮愍王
道之將崩拔周唐之盛德兮据桓文之譎功忽戰國之
遘禍兮憎權臣之擅彊黜楚子於南郢兮執趙武於澳

梁善忠信之救時兮惡詐謀之妄作聘申叔於陳蔡兮
禽荀息於虞號誅犁鉏之介聖兮討臧倉之愬知嫫子
反於彭城兮爵管仲於夷儀疾兵革之寢滋兮苦攻伐
之萌生沈孫武於五湖兮斬白起於長平惡叢巧之亂
世兮毒縱橫之敗俗流蘇秦於洹水兮幽張儀於鬼谷
澄德化之陵遲兮烈刑罰之峭峻燔商鞅之法術兮燒
韓非之說論誚始皇之跋扈兮投李斯於四裔滅先王
之法則兮禍浸淫而弘大援前聖以制中兮矯二王之

驕奢饁齊女於絳臺兮饗椒舉於章華
搗道德之光耀兮匡衰世之眇風
衰宋襄於泓谷兮表季札於延陵
撫仁智之英華兮激亂國之末流
觀鄭僑於漆洧兮訪晏嬰於營丘
日曠曠其將暮兮獨於邑而煩惑
夫何九州之博大兮迷不知路之
南北駟素虬而馳騁兮乘翠雲而
相伴就伯夷而折中兮得務光而
愈明款子高於中野兮遇伯成而
定慮欽真人之德美兮淹躊躇而
弗去意斟湛而不澹兮俟回風而
容與求善卷之所存兮遇

許由於負黍輶吾車於箕陽兮秣吾馬於潁許聞至言而曉領兮還吾反乎故宇覽天地之幽奧兮統萬物之維綱究陰陽之變化兮昭五德之精光躍青龍於滄海兮縈白虎於金山鑿巖石而為室兮託高陽以養仙神雀翔於鴻厓兮玄武潛於嬰冥伏朱樓而四望兮采三秀之華英纂前修之姱節兮曜往昔之光勲披綺季之麗服兮揚屈原之靈芬高吾冠之岌岌兮長吾佩之洋洋飲六醴之清液兮食五芝之茂英捷六枳而為籬兮

築蕙若而為室播蘭芷於中庭兮列杜蘅於外術攢射
干而雜靡蕪兮構木蘭與辛夷光扈扈而煬燿兮紛郁
郁而暢美華芳煜其發越兮時恍忽而莫貴非惜身之
軼軻兮憐衆美之顛顛遊精神於大宅兮抗玄妙之常
操處清靜以養志兮實吾心之所樂山嵒嵒而造天兮
林冥冥而暢茂鸞回翔索其羣兮鹿哀鳴而求其友誦
古今以散思兮覽聖賢以自鎮嘉孔丘之知命兮大老
聃之貴玄德與道其孰寶兮名與身其孰親陂山谷而

閒處兮守寂寞而存神夫莊周之釣魚兮辭卿相之顯
位於陵子之灌園兮似至人之髣髴蓋隱約而得道兮
羌窮悟而入術離塵垢之窈冥兮配喬松之妙節惟吾
志之所庶兮固與俗其不同既倣儻而高引兮願觀其
從容

敘志賦

魏
韋誕

肩鴻烈之末流蒙祖考之餘德奉過庭之明訓納微躬
於軌則勉四民之耕耘遂能辨乎菽麥自弱冠而立朝

無匡時之異才每寤寐以歎息思損己而降階遭大魏
之革命網羣士於行職雖固陋之無用猶收錄而序飾
歷文武於機衡擁大璫於帝側隨倫儕以按牒乃剖符
而封殖顧儀服而增憤心夕惕以愧慙蒙聖皇之宏恩
過待臯於卿士奉朝請於朔望恭禋享於郊祀念余年
之冉冉忽一過其如馳微竒功以佐時徒曠官其何為
匪遜讓之足徇信神氣之稍衰將訴誠於明后乞骸骨
而告歸

遂志賦

魏
劉楨

幸遇明后因志東傾披此豐草乃命小生生之小矣何
茲云當牧馬於路役車低昂愴恨惻切我獨西行去峻
溪之鴻洞觀日景於朝陽釋叢棘之餘刺踐檟林之柔
芳皦玉粲以曜目榮日華以舒光信此山之多靈何神
分之煌煌聊且遊觀周歷高岑仰攀高枝側身遺陰磷
磷礧礧以廣其心伊天皇之樹葉必結根於仁方捐吳
夷於東隅掣畔臣乎南荆戢干戈於內庫我馬繫而不

行揚洪恩於無涯聽頌聲之洋洋四寓莫以無為玄
道穆以普將翼俊入於上列退側陋於下場襲初服
之蕪歲託蓬蘆以遊翔豈放言而云爾乃旦夕之可
忘

遂志賦

有序

晉陸機

昔崔篆作詩以明道述志而馮衍又作顯志賦班固作
幽通賦皆相依仿焉張衡思玄蔡邕玄表張叔哀系此
前世之可得言者也崔氏簡而有情顯志壯而汎濫哀

系俗而時靡玄表雅而微素思玄精練而和惠欲麗前人而優游清典漏幽通矣班生彬彬切而不絞哀而不怨矣崔蔡冲虚温敏雅之屬也行抑揚頓挫怨之徒也豈亦窮達異事而聲為情變乎余備託作者之末聊復用心焉

武定鼎於洛汭胡受瑞於汝墳繇鳴鳳於百祀啟敬仲乎方震苟天光之所照豈舜族其必陳厭裡祀於故墟饗禴祭於東鄰禰八葉而相茂舞九韶乎降神系姜叟

於海曲表滄流於遠震仰前蹤之緜邈豈孤人之能胄
匪世祿之敢懷傷茲堂之不構理或睽而後合道有夷
而弗順傳栖巖而神交伊荷鼎以自進蕭綢繆於豐沛
故攀龍而先躍陳頓委於楚魏亦凌霄以自濯伍被刑
而伏劒魏和戎而擁樂彼殊塗而並致此同川而偏溺
禍無景而易逢福有時而難學惟萬物之運動雖紛糾
而相襲隨性類以曲成故圓行而方立要信心而委命
援前修以自程擬遺跡於成軌詠新曲於故聲任窮達

以逝止亦進仕而退耕庶斯言之不渝抱耿介以成名

勵志賦

魏
丁儀

覽前志而博觀求余心之所安雖疲驚而才弱敢舍力而不攀懿躬稼之克在賤善射而隕殘羨首陽之遺譽憎千駟之餘訕宗舍藏之偉節薄鼎角之自干嘉法言之令揚悼說難之喪韓鑒登險之敗績顧清道以自閒瞻亢龍而懼進退廣志於伐檀雖德厚而祚畀猶不忘

於盤桓薰以芬香而自燒兔亦取斃於豪翰援大雅以
為戒眇龔勝而自歎嗟世俗之參差將未審乎好惡咸
隨情而與議固真偽以紛錯穢栢孟之周用令瑚璉以
抗閣恨騾驢之進庭屏騏驥於溝壑疾青蠅之染白悲
小弁之靡託惡晨婦之蒙厚痛三代之見薄惟受性之
樸拙亮未達乎測度顧鍾子之既沒牙輟絃而不作敦
三思之彌憤動循牆之茲恪勉夕改以補朝履日新而
悔昨

勵志賦

元涂幾

予幼負此奇志兮思時俗之所難薄榮名而不顧兮將
遺斯世之治安惟任重而道遠兮懼吾力之已殫雖委
絕而猶不悔兮誓將歷乎險艱彼小人之無知兮方笑
予行之速邇雖一二之同志兮亦僅以文學而相憐仲
尼甘於旅寓兮聘列國而拳拳禹暨稷之辛勤兮哀夫
人之瘠捐吾誠不及古之人兮諒天命之可懷負衣冠
而不力兮又何取乎三才步中正以為軌兮服仁義以

為輶審孜孜以無倦兮俟吾死而焉求饑吾飲乎水泉
兮困吾枕乎荊棘指蒼天以為正兮予匪計乎朝夕

表志賦

有序

晉 棗 據

據忝職門下在帷幄之末與羣士敘齊登玉陛待日月
久矣出為冀州刺史犬馬戀主既有微情且志之所存
不能無言因而賦之曰

過承嘉會擢身泰辰俯躡丹墀仰承三辰當樂夏之凱
南蒙朱陽之和仁接鳴鸞之垂翼因神蚪之光鱗浮眇

末之纖質濟吾身於天津邈盧敖之所涉階多士之遺
塵登九垓之虛軌覲汗漫之威神情飄飄而凌雲意髣
髴於真人扶搖薄於懸圃增城鬱以嵯峨被羽衣之飛
飛握若蕙之芳華蹈糾紛之絕軌攀大椿之疎柯意翹
翹而慕遠思濯髮於天波悲落葉之思條情戀戀於昊
蒼懷聖德之弘施情慘切而內傷感有莘之媵臣願致
主於陶唐

言志賦

梁元帝

天文既表人文可觀知負宸之未易信握鏡之云難差
立極而補天驗璧合而珠連有庖羲之八索稱朱襄之
五絃聞夏王之鑄鼎重農皇之播田雖車軌之未同亶
彌媿於棟隆戮封豕於海內斬長狄於區中懷宿昔之
璵璠並來遊於兔園悲元瑜之已逝歎靈光之獨存想
延賓於北閣因置酒於南軒聞鶯鳴而懷友聽長笛其
何言夙有尚於清靜叨再入於鄔郢東窺文命之穴南
望洪崖之井遂撫運而登庸謬垂旒而卷領雖有媿於

前英每求衣於未明
召司烜而照夜
觀執珪而滿庭
誠雖休以勿休
實旨酒之忘憂
絕陽阿之妙舞
廢縣駒之善謳
彼知止與知足
復何營而何欲
柱何用於黃金
案寧勞於青玉
爾乃高步北園
用蕩囂煩
桂偃蹇而臨棟
石穹隆而架門
對灌木之修聳
觀激水之飛奔
澗不風而自響
天無雲而晝昏
聞賓鴻之夜飛
想過沛而霑衣
況登樓而作賦
望淮海而思歸

述志賦

晉
曹 攄

慕浮雲以抗操耽簞食之自娛羨首陽之皎節歎南山
之高疏哀夫差之溷惑詠楚懷之失圖悲伍員之沈悴
痛屈平之無辜嘉沮溺之隱約羨接輿之狂歌願大雅
之先智偉明哲之所經微見機而遂逝比舍生而親名
道殊塗而同歸要踰世而並榮舜拘忤於焚廩孔怵惕
於陳匡紛屯蹇之若斯何遭運之可常情恍忽以回迷
夢乘雲而飛颺駕麟鳳之靡靡載龍旂之洋洋周九州
而騁目登四岳而永望承聖詰而砥礪奮羽儀而翱翔

被蘭肥之芳華帶鍾山之玉英飾吾冠之岌岌美吾珮
之玲玲悲盛衰之遞處情悠悠以紆結攬萱草以掩淚
曾一歡而九咽

述志賦

隋蕭后

承積善之餘慶備箕帚於皇庭恐修名之不立時負累
於先靈迺夙夜而匪懈實寅懼於玄冥雖自然而不息
亮愚懵之所滯思盡節於天衢才追心而弗逮宴庸薄
之多幸荷隆寵之嘉惠賴天高而地厚屬王道之昇平

均二儀之覆載與日月而齊明迺春生以夏長等品物
而同榮願立志於恭儉私自兢於戒盈孰有念於知足
苟無希於濫名惟至德之弘深情不迺於聲色感懷舊
之餘恩求故劒於宸極叨不世之殊盼謬非才而奉職
何寵祿之踰分撫胷襟兮未識雖沐浴於恩光內慚惶
而累息顧微躬之寡昧思令淑之良難實不遑於啟處
將何情而自安若臨深而履薄心戰慄其如寒夫居高
思危持滿防溢知恣夸之非道乃攝生於冲謚嗟寵辱

之易驚上無為而抱一履謙光而守貞且顧安乎容膝
珠簾玉箔之奇金屋瑤臺之美雖時俗之崇麗蓋吾人
之所鄙何締綌之不工豈絲竹而喧耳知道德之可尊
明善惡之由已屏蠹煩之俗慮乃服膺於經史綜歲誠
以訓心觀女史而作軌遵古賢之令範冀福祿之能綏
時修經而三省覺今是而昨非嘆黃老之捐思信為善
之可依慕周姬之遺風美虞妃之聖則仰先哲之高才
貴至人之休德質菲薄而難縱心恬愉而去惑乃平生

之耿介實禮義之所遵雖生質之不敏庶積行以成仁
懼達人之蓋寡為何求而自陳誠素志之難寫同絕筆
於獲麟

述志賦

宋張九成

伊余生之好修兮紛溷濁而獨清朝飲藍橋之雲液兮
夕餐月殿之落英製芙蓉以為裳兮紉蘭芷以為佩躡
天風予上征兮將以朝於玉帝朝發軔於泰華兮夕予
叩乎天閭覽瑤臺珠閣之突兀兮驂蒼虬采鳳以駿奔

吾與羣仙遨遊兮曰蓬瀛乎此焉處既徘徊而四顧日
與月為吾侶豐隆列缺其先驅兮攬槍招搖為吾埽除
廓氛埃而下視兮塊五嶽其尊壘攬四溟而一瀉兮宴
王母乎崑崙之隈忽憑几而坐寤兮知萬事其如夢聊
與此世而婆娑兮長笛呼風而三弄憫屈平之懷沙兮
笑子雲之投閣已攬袂而歛起兮悵星移而月落

述志賦

元胡天游

繫余生之碌碌兮承祖考之餘輝方年髫而志學兮思

踵武於前徽何中道之屯蹇兮終抱志而莫展霜毛颯
以垂領兮懼五十而無聞挾遺編以私淑兮庶弗墜於
斯文嗟蚩蚩之世俗兮紛賤目而貴耳顧區區之魯人
兮尚弗知乎尼父青黃眩而莫分兮美惡混而相同計
微功於呻誦兮希速化於顓蒙朝卑辭以致幣兮夕怠
色而忘禮羣飛點而玉浣兮衆口哆侈而金燬毛嫵靚
立而自揚兮曾不申乎蹇修抱雙璧以行媒兮反效鞠
局而卑是求謂驂騑為下乘兮以款段為疾足采鳧茨

於道周兮登砥砢於犀犢般紛紛其得志兮長裾曳地
濟濟而相望俛爭食於雞鶩兮仰闊視而揚揚余方索
居孑立而無與儔兮聊逍遙乎林下睇浮雲以舒嘯兮
倚翠竹而為伍崇繽紛其枳棘兮時覽德而踟躕哂饑
鳶之疾盼兮攫腐鼠而嚇余龍門率律以干雲兮亦何
往而不我階彼覷覷之鼃黽兮夫豈入於我懷阿容媚
世以希寵靈兮誠有識之所嗤使余為倚市之倡兮孰
與夫空谷而幽居撫青萍以自珍兮曰有待夫知己儻

千金而非吾徒兮寧挂壁而無恥惟聖賢之與愚兮亦
皇皇而西東矧吾人之數竒兮敢背道而愠窮躋達觀
之無不可兮付出處於流歟苟素志靡違兮又何傷乎
感額正余冠之崔嵬兮理余瑟之鏗鏘良時詎不可再
得分姑從容而徜徉

述志賦

明 劉基

鮮余生之眇眇兮荷后皇之深仁具五氣以成形兮受
明命而為人體乾坤之粹精兮晞日月之景光漱飛泉

之華滋兮浥灝露之醇英製杜蘅以為衣兮藉蒨若之
菲菲佩琳瑯之玲瓏兮帶文藻之葳蕤朝濯髮於蘭池
兮夕偃息乎瓊苑願馳騫以遠遊兮及白日之未晚駕
輕輶之將將兮服蒼蚪之駢駢遵大路以周流兮曳虹
蜺之委蛇挾長離而乘鸞兮款閭闔之九門豐隆為余
先導兮百靈為余駿奔前燭陰以啟塗兮颺凱風使清
埃覲北斗於文昌兮朝玉皇於帝臺食玄圃之丹雘兮
澡天潢之芳津激微焱於桂枝兮輕波起而龍鱗清都

不可以久留兮忽乘雲而遐征浮江湖之浩茫兮陵山
嶽之崢嶸野莽蒼以多榛兮路險隘而紆曲猘猢魚休
而攫噬兮蝮蛇蜿蜒以當陸鬱忡忡以怵惕兮適皇皇
以營營雨淫淫而不止兮露黯黯以晝冥烏鳶號以成
羣兮鳳孤棲而無所楚屈原之獨醒兮衆皆以之為咎
欲振迅以高舉兮無六翮以奮飛將脂韋以從俗兮非
余心之所怡長太息以增歎兮哀時世之異常棄韶夏
而非聽兮登傑侏於中堂毛軒子以和羹兮腌鮑魚而

實俎斲梗楠以給爨兮束荊棘而為柱施曾屨於丘陵
兮怨魴鯉之弗獲虎兕逸於山林兮循戶庭以求索前
蒙瞍以指塗兮強揚子使操轅命侏儒令舉鼎兮荆都
盧使守閭歲冉冉而將頽兮日曖曖以就昧松栢摧而
根死兮江河化而為澮秣余馬於不周兮整余轡於樊
桐無著龜以決疑兮迷不知余所從搏扶搖以為輿兮
攬列缺以為輶騶青鸞之茷茷兮超煙靄而上浮梁天
津以濟河兮睇紫微之神闕開明怒目而電視兮貌豹

吼而山裂進無人以為之先容兮欲自獻而不敢氣勃
鬱以憑中兮心惻傷以慙懷過少微而歷明堂兮就軒
轅而陳情雷霆砰其隱轡兮馬辟易而不行訪六符於
泰階兮求民極之所在咎繇不可以作兮競狂直以為
罪凌天街以徑度兮造旬始而瞻西清衆畏讒而卷舌
兮孰能白予之忠誠怡慄其無止兮然悄悄以狐疑要
傅說於箕尾兮命靈龜使占之曰有名必有實兮若形
影之相因想福極出自天兮又何尤乎世之人鼎胡跣

而不烹兮旗胡張而弗麾弧不可以射侯兮駟不可以策而馳衆蠕蠕以孕頤兮若頽波之東趨謂翬翟為弗章兮愛羸豕之負塗方不可刳而規兮白不可涅而黑悲桂椒之芬芳兮與朝菌而偕落殷比干之剖心兮時豈不知其為聖人魯仲尼之過化兮焉役役而無所容其身由強義而罹殃兮惠直道而被黜子胥忠而隕命兮伯夷清而不食將登山而迷路兮欲涉水而無航東西南北安所之兮顧焉擇其所長神冥冥而不下兮龜

又厭而弗告思糾結而不抽兮意恍忽以震悼忽濫汎
以遐舉兮行游目於大荒羲和不可攀而留兮恐年歲
之弗將駕廣漠而南征兮叫重華於九疑山岑岑以蔽
天兮江淼淼而不可窺邇吾道夫西陲兮聽鳴鳳於岐
陽慨禾黍之離離兮梧桐摧而不生浮龍門以沂河兮
訪夏后之遺跡川瀆混而不分兮鯨鯢起而人立攬騅
轡而迴驚兮謁陶唐之舊京無衣裳以禦寒兮哀蟋蟀
之悲鳴心悵悵以增傷兮神夢夢其若醉淚洛洛以交

流兮憂湛湛兮而來會傳說之版築兮無武丁其誰舉
夷吾不逢夫鮑叔兮竟淪沒於囹圄推竭心以服勤兮
上介山而立枯種霸越而滅吳兮終刎頸於屬鏤樂毅
升於金臺兮何逃遁而走趙周條侯之耿介兮卒含怨
以餓草忠有蔽而不昭兮道有塞而不行名不可強而
立兮功不可期而成李斯上書以相秦兮空自陷於罪
尤買臣顯而倖辱兮豈如負薪之無憂魚赴餌以中鈞
兮雉慕媒而膺鏑鳳凰翔於丹穴兮又何患乎贈弋返

余旆之旖旎兮還余車之鱗鱗采薇蕨於山阿兮擷芹藻於水濱溯玄泉以瑩心兮坐素石以怡情聆嚶鳴之悅豫兮玩卉木之敷榮挹清風之泠泠兮昭秋月之娟娟登高丘以詠歌兮聊逍遙以永年

述志賦

明
陶望齡

維東揚之輿閩兮曰無餘之舊都紆川巖之清淑兮繫靈括之所廬邈予系之云邈兮玄冑紹於陶唐美厥土而安宅兮肇德里而允臧伊予躬之孔辰兮值先烈其

猶未墜嗟在弱之脅惑兮惛顛顛而鮮惠踰跬迹而已
却兮望敷丘而猶躋器與時而多還兮材繼志而弗信
雖矜容而好飾兮終歷齒而齟脣長不譽於州部兮幼
鮮聞於鄉曲託微寄於縑緗兮傲卑栖而自局發蒼水
之閔藏兮歷嬴皇之遺躅要閹史於崇椒兮問幽人於
湖澳儵憑噫而超蹕兮覽皇運之休嘉爰布著而假筮
兮曰利賓於王家竦修鈇以俶裝兮紛長珮之嗟嗟薄
天衢而遠蹕兮去下里之喧誇嗤翾飛之弱翰兮墨彌

天乎網羅鐘鏗鏘而駭禽兮軒綬紛乎寵鶴麀麀繫於
車箱兮遂踰踉而高躍魂怔營而懍恍兮聊撫心而戢
志維承明之峻密兮列椒蘭以為植奉大雅之博誨兮
振華纓而來旣翱翔白玉之館兮瀑宿青綺之被花茸
茸而鎖院兮草葉葉而為臺凌玉清而遡紫虛兮況方
丈之與蓬萊睠恩重而身輕兮若據鰲而虞抃將沈處
而浮居兮非予心之所善羣侏儒以爭飽兮入金門而
逃世儕優笑而驚進兮競周容之泄泄雖依隱而譎諫

兮信流風之云翳吾丘興於格五兮終又媚之以長纓
馬工文而鉅麗兮羌長慙而勸淫禹橫經而作師兮紛
彬彬於鞶帨辟數子於大道兮何異於甌栖之瞽芮抱
前修之遺則兮求賢聖之所經汨予懷之靡及兮耿申
旦而未寧聊假寐而宴息兮發六候於精誠洵浮虛之
為疾兮余夢適於羽民之國忽衝飈來余御兮矯垂天
之健翼歷星辰而上捩兮屈太一之所處命罕車以為
載兮傲客辭而揖余閣道竄以難窺兮關梁萃其可渡

涉五潢而止舍兮九旂繽以先路
蹈天苑之闕曠兮倚旄頭而遙矚
憤貪狼之僇狡兮夫何封豕之咆勃
吾令白虎主伐兮鞭列缺以舉燧
慮豐隆之吾欺兮逗壘壁而左次
揮天枹兮擊河鼓威弧奮兮玄戈
孔武欲往徂兮余無馬時甚良兮
日吉余將遊兮營之室乘雲兮高
驤觀八轂兮馳天倉信匏瓜之不
食兮何牽牛之服箱心佗僚而弗
舒兮蓬巫咸之來謁指閭闔其非
遙兮靈瑣開而未閉時冉冉而易
邁兮羌何為兮陸沈匪帝閭

之我禦兮紫宮蓋便娟紆鬱而嚴深盼開陽而少憩兮
聞嘈嘈之廣樂方趑趄而欲進兮忽魂開而形拓整容
儀以惟憶兮軫噩夢而狐疑聞達人之大覺兮願順風
而占之曰道無軫兮物有方小不可以謀大兮短不可
與汲長彼倅人之極皆兮奚足以睇乎喬嶽騫鷖鵬而
遐徙兮詎僉調於蜩鷺昔放勳之峻烈兮巢乃訾其弗
清惟貞觀之磅礴兮杞嘒嘒而憂傾固小夫之惛隘兮
蹇多懷而好誹彼大道之孔夷兮乃偶時而委已棲澹

泊以為廬兮遊逍遙以為庭繚貞固之修櫬兮抗仁義
之華薨仰塊北以陶孔兮固於何而不有所貴哲人之
純德兮亦捐美而去醜蘭翳芳於幽崖兮亮駢滋乎蕭
艾玄駒教於封丘兮齊旄象而稱大羶匪慕以競時兮
膏匪焚而邀害不近名以立辟兮固聖賢之所佩重曰
撫躬迪訓心所躋兮維德之宅勿阨靡兮外適常足內
亶亶兮修身繕性事君子兮委命不二惟所使兮

擬述志賦

明
黃輝

夫何泰始之麗昧兮遂革化而至今世滔滔其相勝兮
及頽波之汨淫邈來茲其焉往兮撫曩昔而不任嗟上
下古今之無窮兮予在四之中央老冉冉而待人兮懷
鬱鬱而屢更憶在齟而若昨兮觸陳械而慨忼何休貞
之艱遘兮眴屯否其互傾古之人今皆安如今亶山川
盤錯而無恙試登臨兮金臺聊騁望兮雀鬼藹積霖兮
乍豁劃涼飈兮徐來鳴蜩抱葉兮鴻鴈爭飛林瑟瑟以
甫暎兮露湛湛而為璣四寥廓而無倚兮中怊悵而若

遺氣紆軫而不舒兮長太息以掩涕望八極甚茫茫兮
哀民萌之勤瘁旦閔閔以明農兮矧穡夫之望歲遐水
旱之孔仍兮室縣磬而仇離應龍女魃狎為政兮雖堯
湯其奈何羌量邇以咨責兮曾不敢乎自貫曰四海皆
予身兮懼庶徵之易訛昔軒后之純粹兮猶蚩尤之七
十戰也犬羊不可與羣兮宜裔土之是竄也惟猾夏以
干紀兮匪大刑之所貫也誠服厚其不足喜兮恐生心
而重患也彼有周之宣后兮赫然中興姜躬躬而脫簪

兮女鳩申申以善淫燁車攻之復古兮忽姜戎訐而敗
成惟宴安之不可懷兮自古難其有終儼內憂之多方
兮何外患之足懲感盛衰於廩秋兮陰氣壯而攻膺獨
慘憺而誰語兮焉決昧而舒情將曠然以輕舉兮遠遊
觀乎九阰考元吉於文君兮簡良辰而俶裝陽采采以
鑒形兮風飄飄而應璫御太極以為輿兮聊翻校乎陰
陽二紀奚其凌背兮五緯越而譁張嶽靈川后驕蹇而
失職兮酒星淋醕而披猖箕畢撒憫而失好兮八穀耗

滅而亡精貫索纏以糾紛兮七公却而自藏旄昂奚為
主胡兮恣街北以弄兵安用太山之桓桓兮不蝕月以
揚光天駟靡靡而蹇步兮煩轡策於王良泗何為而淪
鼎兮使弗若雜人而晝行景瑞翳翳其何所兮妖弗凌
厲而縱橫鞠億兆其顛顛兮豈司命之所慶試靈修以
代對兮乃退谷而詞窮九關戕戕不可徑造兮虎豹狺
狺而肆抗徒愒憶以衝頤兮雖畢詞以誰聽攬修轡以
迷津兮顛攀絲而慙慙慨含歎而增愁兮愁旦飢而復

噓曲昭質以自鏡兮恐流光之見迫聞至言之放惠兮
冀仙夫之可偕襲氣母於中夜兮豁氛穢之孔蠲召巫
咸使采藥兮玉英燦而陸離收至精於澹泊兮靈根固
而不衰匪年歲之足貪兮將永從予之所謀重曰練予
真兮首清路蹟先民兮炯自顧遵夷軌其虞蹶兮何僥
徑之足步芬響象之偶然兮非聖哲之預慮省警殃而
自救兮炳醇和而中固亘宇宙以獨存兮宜得喪其奚
與庶長轡之不頗兮幸無乖於斯慕

復志賦 有序

唐 韓愈

愈既徙隴西公平汴州其明年七月有負薪之疾退休
於居作復志賦其辭曰

居悒悒之無解兮獨長思而永歎豈朝食之不能兮寧
冬裘之不完昔余之既有知兮誠坎軻而艱難當歲行
之未復兮從伯氏以南遷凌大江之驚波兮過洞庭之
漫漫至曲江而乃息兮逾南紀之連山嗟日月其幾何
兮攜孤嫠而北旋值中原之有事兮將就食於江之南

始專專於講習兮非古訓為無所用其心窺前靈之逸
迹兮超孤舉而幽尋既識路又疾驅兮孰知予力之不
任考古人之所佩兮閱時俗之所服忽忘身之不肖兮
謂青紫其可拾自知者為明兮故吾之所以為惑擇吉
日與西征兮亦既造夫京師君之門不可逕而入兮遂
從試於有司惟名利之都府兮羗衆人之所馳競乘時
而附勢兮紛變化其難推全純愚以靖處兮將與彼而
異宜欲奔走以及事兮顧初心而自非朝騁驚乎書林

兮夕翱翔乎藝苑諒卻步以圖前兮不浸近而愈遠哀
白日之不與吾謀兮至今十年其猶初豈不登名於一
科兮曾不補其遺餘進既不獲其志願兮退將遁而窮
居排國門而東出兮慨予行之舒舒時憑高以迴顧兮
涕泣下之交如戾洛師而悵望兮聊浮游以躊躇假大
龜以視兆兮求幽貞之所廬甘潛伏以老死兮不顯著
其名譽非夫子之洵美兮吾何為乎浚之都小人之懷
惠兮猶知獻其至愚固予異於牛馬兮寧止乎飲水而

求芻伏門下而默默兮竟歲年以康娛時乘間以獲進
兮願垂歡而愉愉仰盛德以安窮兮又何忠之能輸昔
予之約吾心兮誰無施而有獲嫉貪佞之洿濁兮曰吾
其既勞而後食懲此志之不修兮愛此言之不可忘情
怵悵以自失兮心無歸之茫茫苟不內得其如斯兮孰
與不食而高翔抱關之扼陋兮有肆志之揚揚伊尹之
樂於畎畝兮焉貴富之能當恐誓言之不固兮斯自訟
以成章往者不可復兮冀來今之可望

復志賦

元任士林

考黃靈之淑盾兮旌所履而為姓越奚仲之有國兮誕
繩繩於車正逮長滕於宗周兮歷萬祀其猶競坐以言
而發身兮鄙以力而稱聖紛支屬於五方兮既班班乎
家乘亶會稽之句章兮聿御史而有聞迭世祚其顯昧
兮覃斗海之有孫眇隄州之一曲兮羌幽築於白雲抱
曷鼻之倥傯兮載圯頂之鬚髯辟長風於萬里兮信散
木之擁腫恫窮鄉之縈卷兮矐予目於蹇淺招庚癸於

首山兮懼饑渴之不免孰知夫麥麴之大呼兮勤茅經
於叔展雨絕灑於碧虛兮空回戀於有渰木掩靚於春
陽兮佩秋風之未慘欣吾車之未駕兮謝直矢之多岐
抱素絲之不染兮紛黑白其何為軻嗜丹之奇餌兮不
知魯勾踐之良規笑良造之詭遇兮不如退受妄人之
罵辭秦愔愔乎嫂妹之詢忍兮痛修辭於殉市之尸非
潛潛乎子瑕之愛憎兮迺懼夫姚賈與李斯惴債軍之
株坐兮悟不死廁中之更溺憎女子之見賣兮悔不忍

勝下之年少讓不思國士之剪拂兮又何致必斬趙衣
而讎報亥不激屠門之骯曲兮又何致必椎晉鄙而危
蹈心固不可溺於所涉兮智固不可售於所市身固不
可試於綢繆與睚眦兮足固不可失於流行與坎止感
耦耕之招攜兮何滔滔而不能守孔約而罔貳兮憚巽
羽之人犧不察察於蔽粟之重輕兮亮溝壑之有命不
悶悶於蕭艾之糾結兮付江濱之行詠信皎皎其何之
兮聊嘿嘿以隱情卒餘懷之陞杌兮庶察者之見徵道

悠長而日邁兮罔思謝之足懲尚壽考之脩彭兮安知
來哲之無情

求志賦

宋晁補之

幼予不自知憊兮願求古人而與之遊高平邑於大野
兮魯東鄙而北鄒固予心其惓款兮求前聖又不遠豈
無鄰莫可與謀兮治邴氏而俗泮幽離房誠不忍兮棄
此而莫能藏執徐之青陽兮予先子兮東征橫武林之
大江兮往始寧之南邑路會稽以周流兮求歷山之所

在昔封隅之世守兮以後夫而致刑越懲恥於夫椒兮
進樵女而抑心懿二臣以國霸兮卒焉異夫出處行束
薪而自言兮妻不忍而求去助申威於司馬兮卒殞聲
以淮南盱訴死於婆娑兮悲綽約之亦殲彼章程之詭
嘯兮既睥眄於甲夜何仲御之清激兮而亦云駭夫觀
者紛回穴其莫識兮泮千載而迹陳思苗山猶若茲兮
又何悲乎曲水惟鄭公之志約兮逢神人焉靡求山第
嶂而谷紆兮風瀏瀏乎旦暮耿吾何不可留此土兮竊

悲越人之機豈其食鮭而化音兮無所用吾之綏冬朦
朦其多雨兮夏瘴熱以生蠹溪水之淺深兮舟上下而
擊石吾遵夏蓋之山兮聊以觀乎遠海吾先子之初服
兮羌董道而不改小人之有心兮猶不假器末予從於
東安兮依哲人而聞誼蜀蘇子之有廬兮漢遺化而多
儒往者其不可及兮曷不從子之廬朝予食兮山中夕
予宿兮江上悲世俗之近市兮予安能忍而與之皆往
予令樓季為右兮使王良前予世解轡而馳石兮緬予

得此坦塗良吾輒使環潯兮密吾牙使樸屬攬九州而
顧懷兮夫安知予力之不足邁予生之罹憫兮歸將母
乎故都伏里門而畏鄰兮幽獨守此四隅時命大謬兮
吾遑遑欲何之慨永夏之宜養兮霜夢然其萃之增歔
歔以啜泣兮殺身其安可宇摧榮而藩穴兮雀鼠去而
不舍潛四序之不淹兮春藹藹其既非攬卉木猶若茲
兮吾獨不聊此時悲予仲之婉孌兮饒其心以詩禮吾
不能操贏而坐閭兮耘東山而自食歲旱曠而不雨兮

螟又生子之場屬歲秋之有穀兮河出墳而湯湯於陵
子之終徧兮井上李其猶飽服芬芳而潔腹兮夫豈不
足以忘老衆虎廐而好朝兮咸得時而的歷持衣服而
鬻暑兮予固知予賈之不售思遐舉而莫從兮心紆軫
而盡傷訊黃石以吉凶兮棋十二而星羅曰由小基大
兮何有顛沛既非初志之敢期兮曾何以知其所繫類
清濟以去垢兮芝九莖而為華宵倚楹而悲咤兮疇獨
憂予之無家蕭苑候之慷慨兮孰云非食之故濟澶淵

之靈津兮橫中流而颺怒思城闕之佻達兮勉踵夫昔
之人羿之志於穀兮亦反求夫余身小人不知學禮兮
畏罪罟之所尋宋七世之炳靈兮皇純佑此下土舉賢
而授能兮哀筦獨此黎庶牧羊而肥兮式亦用而有聞
辟雍之洋洋兮宇干日而糾紛連衽以成雲兮汗而為
雨豈予不足於周門兮獨惆悵而延佇先事而後得兮
惟其食者之責舉九鼎於鯢淵兮亦人假夫一臂予張
子之好修兮蹇博大而無朋雪霏而宇凍兮松栢不改

其青固黃子嘗語予兮曰此是為明月雖工師不以佩
兮保厥美亦未艾彼喔咿為已甚兮羌浮石而沈木子
雲之好思兮亦衆評其寂寞虞氏之為政兮舉五臣而
與言彼霏霖之射谷兮何足以容江潭之鱣衆不察予
之情兮求予初猶未沫超孤舉而遠尋兮惟夫不足以
論世良恫韓而成漢兮皓保惠而悟高成功則去兮曾
何足以介其一毛融躬行既卒驕兮禹服義亦太靡陳
輜車與乘馬兮桓榮亦酋乎富貴蕃居室以不理兮滂

之志以四海允膺之激烈兮羌不以生而害義意豈弟
神所嘏兮何以罹此不祥豈其莫忍鄰之梓兮紛救鬪
而得傷嘉林宗之善裁兮要成敗而不失寧遵不知時之
可為兮行漁瀨以畢世喟嵇康之蹈盡兮愧孫子其安
補阮清舌而咎目兮潛固自識而遠去謂道不可為兮
為者敗之衆窳然咸不流兮惟至人焉在之泮千祀而
語鄰兮孰與至人之服意神龍之乘雲兮吾欲從焉以
足士生各有遇兮吾何為侘傺乎此時曾藿菽不足以

化兮求予身其庶幾滋蘭以旨蓄兮菊以為糗修忠信
以抑躁兮夫安知予之後圖前聖吾永賴兮攬百子與
並興時翱翔於道與兮歷年歲以為娛

尚志賦

元 吳 萊

惟太區之寥廓兮紛庶物之馮生藐予身之中處兮鬱
予志而不得逞竊獨嗜此古學兮指前哲以作程味詩
書之醇粹兮獵道德之精英悼世俗之馳騫兮吾何有
乎我行將歲月之不我與兮兀淹留而無所成沈憂以

氣索兮却立而質齷攻蹙躅而狹步兮守眈瞵謂真瞶
審瞭目以霧披兮焱竒肱而風厲墮泰華以施簪兮縮
長河約之帶翔喬皇之晻藹兮叱麒麟使承蓋神若唏
而奔騰兮劒鼉鼉乎濤瀨招屏翳予擗帷兮斬蚩尤以
塞旆折建木以指麾兮唉睢靈之西邁將欲往彼鴻濛
兮授予筴乎霄漢亦或悲此骯髒兮發商歌於達旦溘
世氛之溷濁兮噓天籟乎崇窾薄高丘以闖遠海兮恒
懔懔而不顧返何儻何以難逃兮曰斲斲而則然顏子

默而樂道兮曾不滿夫一簞原思澹其居貧兮尚蓬蒿
之沒垣彼豈不談王術兮甘窮櫛之藐艱秉中心之皦
日兮輕外物若浮雲諒當時之謂憊兮猶千載稱其賢
貼吾生之沈抑兮將有繼乎古先炳予室之虛白兮纒
予文於太玄莽歛歛與時化兮希噌吰而道存棄騏驥
而蹠躩兮登蹇騖乎前軒淫桑濮之嘈雜兮九韶漠焉
無聞固泰豆之不世出兮又何見夫榮援彼何人哀時
命兮每嗟卑而歎屈曷不尚予之志兮仰孟氏之遺則

繫老農之力田兮且多種而鮮獲矧奇士之環轍兮雖
凍餒其奚卹增螢爝以日晶兮積埃壒而山嶷向汙泥
求夜光兮經劫火見垂棘惟傳巖之版築兮攀南箕以
興國亦有漁厥磻溪兮擢赤鯉以予翼挺爾躬之豪崛
兮肯受人之羈勒博鄒魯之雅言兮建燕趙之矯節糅
瓊靡而我餐兮羅翡翠以為服秉歌劒而剗裁兮鏘和
鸞以游息撫鴻荒其若今兮觀六合為予窄齊窮達於
一塗兮與聖賢而同域翮丹穴之蜚鳳兮榮九苞之翕

絕將乘之以覲舜文兮孰知予情之至極

閔志賦

明黃淮

閔予生之多故兮羌不知其所從肆遐搜而隱索兮究
微末之始終繫髻年之向茂兮即有志於聞道呻佔畢
而事鉛槧兮夫既從吾之所好奮侯穎而躋辟雍兮謂
青雲平步而可登探蟾窟以擢桂兮翼黃鵠而驟鷗鵬
振璫琚於天衢兮與夔龍而接武集鳳池而上玉堂兮
曾衮職之莫補仰繼明之垂照兮荷眷遇於日隆賚予

紛其駢蕃兮實千載之奇逢誓輸忱而瀝膽兮覬圖報
於涓滴嗟夙志之未酬兮遽速斃而罹辟懷兢惕而內
省兮豈持操之靡常也何弗良於行兮致顛隕之我戕
也駕指南而之河朔兮遐不虞其所屆結蘭茝以泛溟
渤兮亦罔知其攸濟聞德音之煥頒兮咸鼓腹而興歌
漑涸魴之枯竭兮猶未沐乎恩波意休復之有方兮契
我龜而焦之招巫咸使考卜兮或開予而導之謂陽舒
陰慘兮皆至仁之流形彼困心衡慮兮庸玉汝於有成

亮食兆之告吉兮亦昭昭其孔彰也時賢哲之遺訓兮
將何修而允臧也重曰孰始而張繫帝力兮孰後而遏
自貽戚兮處困而亨致命以為則兮噫嘻小子庶其無
斃兮

御定歷代賦彙外集卷一

謹案外集第三十二頁前四行盱訴死于婆婆兮
刊本盱訛睚據雞肋集改又彼章程之詭嘯兮
按雞肋集程作陳

第三十三頁後三行持衣服而鬻暑兮按雞肋集
服作裘

第三十四頁前二行亦反求夫余身刊本余訛全
據雞肋集改

第三十五頁前三行嘉林宗之善裁兮刊本脫兮

欽定四庫全書

字據雞肋集增





總校官庶吉士臣張能照
校對官編修臣周厚轅
膳錄監生臣李維翰